

全上古三代秦漢  
三國六朝文

陳后魏

第九  
第十冊

全陳文卷十三

烏程嚴可均校輯

沈洙

洙字弘道吳興武康人梁大同初爲湘東王國左常侍轉中軍宣城王參軍仁威臨賀王記室參軍遷尚書祠部郎侯景之亂竄于臨安敬帝時除國子博士陳受禪加員外散騎常侍歷揚州別駕從事史遷大匠卿文帝卽位遷通直散騎常侍侍東宮讀尋兼尚書左丞領揚州大中正遷光祿卿廢帝時除戎昭將軍輕車衡陽王長史行府國事帶琅邪彭城二郡丞大建元年卒

沈孝軌諸弟除服議

禮有變正又有從宜禮小記云久而不葬者唯主祭者不除其餘曰麻終月數者除喪則已注云其餘謂傍親如鄭所解眾子皆應

不除王衛軍所引此蓋禮之正也但魏氏東關之役既失亡屍柩  
葬禮無期時議曰爲禮無終身之喪故制使除服晉氏喪亂或死  
于虜庭無由迎殯江左故復申明其制李膺之祖王華之父竝存  
亡不測其子制服依時釋纓此竝變禮之宜也孝軌雖因奉使便  
欲迎喪而戎狄難親還期未剋愚謂宜依東關故事在此國內者  
竝應釋除纓麻毀靈附祭若喪柩得還別行改葬之禮自天下寇  
亂西朝傾覆流播絕域情禮莫申若此之徒諒非一二寧可喪期  
無數而弗除衰服朝廷自應爲之限制曰義斷恩通訪博識折之

禮衷

陳書沈  
洙傳

皇太后服安吉君禫除議

至親朞斷加降故再朞而再周之喪斷二十五月但重服不可頓  
除故變之曰織縞創巨不可便愈故稱之曰祥禫禫者淡也所曰  
漸祛其情至加父在爲母出適後之子則屈降之曰朞朞而除服

大五百一十四  
小七

無復衰麻緣情有本同之義許曰心制心制既無杖絰可除不容  
復改玄纓既是心憂則無所更淡其心也且禫杖暮者十五日已  
有禫制今申其免懷之感故斷曰再周止二十五日而已所曰宋  
元嘉立義心喪曰二十五日爲限大明中王皇后父喪又申明其  
制齊建元中太子穆妃喪亦同用此禮唯王儉古今集記云心制  
終二十七日又爲王遂所難何佟之儀注用二十五日而除案古  
循今宜曰再周二十五日爲斷今皇太后于安吉君心喪之期宜  
除于再周無復心禫之禮隋書禮儀志三天嘉元年八月尚書儀曹請今月晦皇太后服安吉君禫除儀注沈洙議詔可之又見通典八十

測獄刻數議

夜中測立緩急易欺兼用晝漏于事爲允但漏刻賒促今古不同  
漢書律厯何承天祖冲之暉之父子漏經竝自關鼓至下鼓自晡  
鼓至關鼓皆十三刻冬夏四時不異若其日有長短分在中時前

後今用梁末改漏下鼓之後分其短長夏至之日各十七刻冬至之日各十二刻伏承命旨刻同勒令檢一日之刻乃同而四時之用不等廷尉今牒曰時刻短促致罪人不款愚意願去夜測之昧從晝漏之明斟酌今古之間參會二漏之義捨秋冬之少刻從夏日之長晷不問寒暑竝依今之夏至朝夕上測各十七刻比之古漏則上多昔四刻卽用今漏則冬至多五刻雖冬至之時數刻侵夜正是少日子事非疑庶罪人不已漏短而爲捍獄囚無已在夜而致誣求之鄙意竊謂允合

陳書沈  
洙傳

袁泌

泌字文洋陳郡陽夏人梁司空昂子爲員外散騎侍郎歷諸王府屬太清中爲東宮領直臺城陷依鄱陽王範範卒降侯景景平王僧辯表爲富春太守兼丹陽尹貞陽侯卽位除侍中奉使于齊而貞陽侯廢永嘉王建號仍爲侍中兼丞相王琳長史天

嘉元年

本傳作二年誤

兵敗來降授寧遠始興王府法曹參軍轉諮議

參軍除通直散騎常侍兼侍中領豫州大中正聘周還授散騎常侍御史中丞廢帝即位除雲旗將軍司徒左長史光大元年卒贈金紫光祿大夫諡曰質

臨終戒子蔓華

吾于朝廷素無功績瞑目之後斂手足旋葬無得輒受贈諡

陳書袁泌

傳泌臨終戒其子蔓華其子述泌遺意表請之朝廷不許

袁樞

樞字踐言泌兄君正之子仕梁為祕書郎歷太子舍人輕車河

東王主簿安前邵陵王中軍宣成王功曹史敬帝即位除員外

散騎常侍兼侍中吏部尚書出為吳興太守入陳徵為侍中遷

都官尚書天嘉中為吏部尚書領右軍將軍丹陽尹加散騎常

侍廢帝即位遷尚書左僕射光大元年卒贈侍中左光祿大夫

謚曰簡懿

追贈錢藏及子岳官議

昔王姬下嫁必適諸侯同姓爲主聞于公羊之說車服不繫顯于詩人之篇漢氏初興列侯尚主自斯呂後降嬪素族駙馬都尉置由漢武或呂假諸功臣或呂加于戚屬是呂魏曹植表駙馬奉車趣爲一號齊職儀曰凡尚公主必拜駙馬都尉魏晉呂來因爲常準蓋呂王姬之重庶姓之輕若不加其等級寧可合昏而醕所呂假駙馬之位乃崇于皇女也今宮主早薨伉儷已絕旣無禮數致疑何須駙馬之授案杜預尚晉宣帝第二女高陵宣公主晉武踐祚而主已亡秦始中追贈公主元凱無復駙馬之號梁武帝女新安穆公主早薨天監初王氏無追拜之事遠近二例足呂據明公主所生旣未及成人之禮無勞此授今宜追贈亭侯

陳書袁敬附傳高祖長女

永世公主先適陳畱太守錢藏生子岳主及岳並卒于梁世高祖受命唯公主追封至永定三年將葬尚書主客請詳議欲加藏駙

馬都尉并贈岳官都官尚書  
袁媼議又見通典二十九

顧野王

野王字希馮吳郡吳人梁大同中除太學博士遷中領軍臨賀  
王記室參軍承聖中監海鹽縣敬帝時除金威將軍安東臨川  
王記室參軍轉諮議陳天嘉初補撰史學士加招遠將軍廢帝  
時除鎮東鄱陽王諮議參軍宣帝時遷國子博士兼東宮管記  
除太子率更令兼東宮通事舍人遷黃門侍郎光祿卿太建十  
三年卒贈祕書監至德二年又贈右衛將軍有玉篇三十卷輿  
地志三十卷集十九卷

舞影賦

耀金波兮綉戶列銀燭兮蘭房出妙舞于仙殿倡雅韻于清商頓  
珠履于瓊簾影嬌態于雕梁圖長袖于粉壁寫纖腰于華堂縈紆  
雙轉芬馥一房類隻鸞于合鏡似雙鴛之共翔愁冬宵之尚短欣



此樂之方長初學記十五

箏賦

調宮商于促柱轉妙音于繁絃既畱心于別鶴亦含情于採蓮始

掩抑于紈扇時怡暘于升天初學記十六

笙賦

聲流洛渚器重汾陽協歌鍾于宿夕詠月扇于繞梁同離鴻于流

徵會別鶴于清商初學記十六

拂塵篠賦

詩詠淇水騷美江干崖憐拂石神貴埽壇既來儀于鳴鳳亦擾狎

于翔鸞入扇壁之宵月映沆澧之驚湍帶金風之爽朗雜玉潤之

檀欒陪嘉宴于秋夕等貞節之歲寒初學記二十八

上呈玉篇啟

竊聞兩儀倣啟九皇始君情性初動有巢肇制三聖代立十紀遞

大四百一十七  
小四十六

興龍牒浮河龜書起洛八卦既陳六爻攸敘篆素之流是焉而出  
至于精課源妙求其本始末學敷淺誠所未詳雖復研攷六經校  
讎百氏殊非庸菲所能與奪謹依條例同異具呈伏惟聖皇  
馭寓鷹籙受圖德尚昊軒功超媯姁通妙廣運乃聖乃神經天曰  
文止戈爲武百工維理庶績咸熙勸百九歌摛之八柄脩文德百  
來要服舞干戚百格有苗是故仁風所扇九服蒙靈正朔可班四  
荒懷德取衣雜樹則肅慎識受命之興夷波海水則越裳知聖人  
之德豈但申和樂職近播岷峨德廣所覃旁流江漢殿下天縱岳  
峙叡哲淵凝三善自然匪須勤學六行前哲寧百勞喻是百聲覃  
八表譽決九垓規範百司陶鈞萬品猶復畱心圖籍俛情篆素糾  
先民之積謬振往古之重疑簡冊所傳莫合比威野王沾濡聖道  
沐浴康衢不揆愚賤妄陳狂狷徒夢收腸終當覆瓿空思朱墨耀  
必無傳悚悸交心罔知攸錯謹啟

宋本玉篇

案玉篇上呈于大  
同九年三月此啓所稱殿下者

臨賀王  
正德也

### 玉篇序

昔在庖犧始成八卦暨乎蒼頡肇創六爻政罷結繩教興書契天  
粟晝零市妖夜哭由來尚矣爰至玄龜龍馬負河洛之圖赤雀素  
鱗標受終之命鳳羽爲字掌理成書豈但人功亦猶天授故能傳  
流輿典鉤探至蹟揚顯聖謨耀光洪範文遺百代則禮樂可知驛  
宣萬里則心言可述授民軌物則縣方象魏興功命眾則誓威師  
旅律存三尺政仰八成聽稱責于附別執士師于兩造勒功名于  
鍾鼎頌美德于神祇故百官曰治萬民曰察雕金鏤玉升崧岱而  
告平汗竹裁縑寫憲章而授政莫不曰版牘施于經緯文字表于  
無窮者矣所曰垂帷閉戶而覲遐年之世藏形晦跡而識遠方之  
風遵覽篆素曰測九垓則靡差膚寸詳觀記錄曰游八裔則不謬  
毫釐鑿水鏡于往謨遺元龜于今體仰瞻景行式備昔文戒慎荒

邪用存古典設教施法無曰尚茲經世治俗豈先乎此但微言既絕大旨亦乖故五典三墳競開異義六書八體今古殊形或字各而訓同或文均而釋異百家所談差互不少字書卷軸舛錯尤多難用尋求易生疑惑猥承明命預纘過庭總會眾篇校讎羣籍曰成一家之製文字之訓備矣而學慙精博聞見尤寡才非通敏理辭彌躓既謬先蹤且乖聖旨謹當端笏擁篲曰俟嘉猷

宋本玉篇

### 虎丘山序

夫少室作鎮曰峻極而標奇太華神掌曰削成而稱貴若茲山者高不概雲深無藏影卑非培塿淺異棘林秀壁數尋被杜蘭與苔蘚椿枝十仞挂藤葛與懸蘿曲澗潺湲修篁蔭映路若絕而復通石將頽而更綴抑巨麗之名山信大吳之勝壤若乃九功六義之興依永和聲之製志由興作情曰詞宣形言諧于韶夏成文暘于鍾律由來尚矣未有登高能賦而韜斐麗之章入谷忘歸而忽鏗

鏘之節故總轡齊鑣競雕蟲于山水雲合霧集爭歌頌于林泉于  
 時風清邃谷景麗修巒蘭佩堪紉胡繩可索林花翻灑乍應颺于  
 蘭皋山禽囀響時弄聲于喬木班草班荆坐蟠石之上濯纓濯足  
 就滄浪之水傾縹資而酌旨酒翦綠葉而賦新詩肅爾若與二三逕  
 齊蹤鎗然侶共九成偕韻感矣哉聊述時事寄之翰墨

藝文類  
 聚八

杜之偉

之偉字子大吳郡錢塘人梁中大同初補東宮學士出為蕭昂  
 江州記室昂卒侍臨成公讀尋除揚州議曹從事南康王墨曹  
 參軍兼太學博士轉安前邵陵王田曹參軍又轉刑獄參軍侯  
 景之亂去官敬帝初召補丞相記室參軍遷中書侍郎領大著  
 作陳受禪除鴻臚卿轉大匠卿遷太中大夫永定三年卒贈通  
 直散騎常侍有集十二卷

求解著作啟

大五百六十七  
 小十五

臣呂紹泰元年忝中書侍郎掌國史于今四載臣本庸賤謬蒙盼  
識思報恩獎不敢廢官皇厯惟新驅馭軒昊記言記事未易其人  
著作之材更宜選眾御史中丞沈炯尚書左丞徐陵梁前兼大著  
作虞荔梁前黃門侍郎孔奐或清文贍筆或彊識稽古遷董之任  
允屬羣才臣無容遽變市朝再妨賢路堯朝皆讓誠不可追陳力  
就列庶幾知免

陳書杜之偉傳高祖受禪之  
偉啟求解著作優敕不許

庾持

持字允德

南史作元德

潁川鄆陵人晉司空冰七世孫仕梁為南平

王國左常侍輕車河東王府行參軍進尚書郎出為安吉令遷  
鎮東邵陵王記室兼建康令歷吳興郡丞監臨海郡陳受禪授  
安東臨川王諮議參軍永定末除尚書左丞天嘉初封崇德縣  
子免尋為宣惠始興王諮議參軍除臨安令遷給事黃門侍郎  
除稜威將軍鹽官令光大初遷祕書監少府卿領羽林監遷太

中大夫領步兵校尉太建元年卒贈光祿大夫有集十卷

請詳正哀策稱大行

晉宋呂來皇帝大行儀注未祖一日告南郊太廟奏策奉謚梓宮

將登輜輶侍中版奏已稱某謚皇帝遣奠出于陛階下方呂此時

乃讀哀策而前代策文猶云大行皇帝請明加詳正

隋書禮儀志  
三永定三年

七月武帝崩新除尚書左丞庾  
持稱云云又見通典七十九

賜進士出身二品銜廣東等處提刑按察使司按察使兼管驛傳事務真岡王毓藻校刊

全陳文卷十三終

大四百一十五  
小六十一

全陳文卷十四

烏程嚴可均校輯

沈炯

炯字初明吳興武康人仕梁爲王國常侍遷尚書左民侍郎出補吳令爲侯景將宋子仙所獲子仙敗歸王僧辯封原鄉縣侯除司徒從事中郎元帝徵爲給事黃門侍郎領尚書左丞江陵陷入西魏爲儀同三司紹泰中歸國除司農卿遷御史中丞陳受禪加通直散騎常侍文帝卽位解中丞加明威將軍遣歸收兵吳中卒贈侍中諡曰恭有前集七卷後集十三卷

歸魂賦

并序

古語稱收魂升極周易有歸魂卦屈原著招魂篇故知魂之可歸其日已久余自長安反乃作歸魂賦其辭曰

伊吾人之陋宗資立聖而云始肇邵閔之靈源分昌發之世祀實



聞之乎家記又孚之于惇史亢宗貴而博古四史成乎一身怪日月之遼遠而承襲之相因豈少賤之能察非末學之知津也若夫風流退讓在秦作相越江呂東惟戎及鄴出忠出孝且卿且公世歷十五爰逮余躬值天地之幅裂遭日月之零虹去父母之邦國埋形影于胡戎絕君臣而辭胥宇躋厚地而跼蒼穹抱北思之胡馬望南飛之夕鴻泣霑襟而雜露悲微吟而帶風昔休明之云始余播棄于天地自太學而遊承明出書生而從下吏身豫封禪之官名入南宮之記登玉墀之深眇出金門之崇邃受北狄之奉書禮東夷之獻使實不嘗至屈膝遜言呂殊方降意嗟五十之踰年忽流離于凶忒值中軍之失權而大盜之移國何赤疹之四起豈黃霧之云塞祈瘦弟于赤睂乞老親于劇賊免伏質呂解衣遂窘身而就勒既而天道禍淫否終斯泰靈聖奮發風雲饗會埽檣槍之星斬蚩尤之旆余技逆而效從遂妻誅而子害雖分珪而祚土